

Broj: 03-04-450/2022
Sarajevo, 19.04.2022.godine

PARLAMENT FEDERACIJE BOSNE I HERCEGOVINE

Predstavnički dom

gosp. Amer Obradović, poslanik
gosp. Ivan Miličević, sekretar

Bosna i Hercegovina
Federacija Bosna i Hercegovina
PARLAMENT FEDERACIJE
SARAJEVO

Predmet: Odgovor na poslaničko pitanje

Primišteno: 21-04-2022			
Org. jed.	BFOI	Priloga	Vrijednost
05/1	-02-	129	/22

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), u prilogu Vam dostavljam akt Agencije za bankarstvo Federacije BiH, broj: 04-1-1459-1/22 od 15.04.2022. godine, koji sadrži odgovor na poslaničko pitanje, koje je postavio poslanik Amer Obradović.

S poštovanjem,

SEKRETAR VLADE
mr. sc. Edita Kalajdžić



3203



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 04-1-1459-1/22
Sarajevo, 15.04.2022. godine

BOSNA I HERCEGOVINA
FEDERACIJA BOSNE I HERCEGOVINE
VLADA
FEDERACIJE BOSNE I HERCEGOVINE
n/p gđa. Edita Kalajdžić
Sekretar Vlade

03-04-450/2022

Predmet: Odgovor na poslaničko pitanje
Veza: Akt Vlade Federacije BiH broj: 03-04-450/2022 od 08.04.2022. godine

Poštovani,

Aktom Vlade Federacije Bosne i Hercegovine broj: 03-04-450/2022 od 08.04.2022. godine, Agenciji za bankarstvo Federacije Bosne i Hercegovine (u daljem tekstu: Agencija) dostavljeno je Poslaničko pitanje postavljeno od strane gospodina Amera Obradovića, poslanika u Predstavničkom domu Parlamenta Federacije Bosne i Hercegovine. U nastavku dostavljamo odgovor na postavljena pitanja.

U skladu sa Strateškim planom Agencije za period 2022.-2025. godine, Planom finansijskog poslovanja Agencije za 2022. godinu i Planom javnih nabavki Agencije za 2022. godinu, proveden je postupak javne nabavke Usluga dubinske analize rizika informaciono – komunikacionog sistema Agencije, u svrhu izrade strategije razvoja informaciono – komunikacionog sistema Agencije s ciljem postizanja i održavanja usklađenosti poslovanja sa standardima EU u dijelu digitalizacije procesa Agencije.

Postupak nabavke je proveden transparentno u skladu sa Zakonom o javnim nabavkama („Službeni glasnik BiH“, broj 39/14) i podzakonskim aktima donesenim na osnovu ovog zakona, te su svi akti iz predmetnog postupka javno objavljeni na Portalu javnih nabavki Bosne i Hercegovine: www.ejn.gov.ba.

Kao najpovoljniji ponuđač odabrana je grupa ponuđača: „A MI MANERA d.o.o. BEOGRAD-VRAČAR“, „MC GLOBAL AUDIT DOO BEOGRAD“, ENERGOSOFT ITSS DOO BEOGRAD, i „ATIA“ d.o.o. Sarajevo, a vrijednost ugovora je 299.500,00 KM bez PDV-a.

U odnosu na navode iz poslaničkog pitanja o navodnim povezanostima članica konzorcija koji je izabran kao najpovoljniji ponuđač u postupku nabavke, Agencija ne može komentarisati obzirom da ne posjedujemo podatke o povezanostima ponuđača sa licima koje podnosioc poslaničkog pitanja navodi.

U dijelu poslaničkog pitanja u kojem se navodi da se predmetnom nabavkom omogućava izabranom ponuđaču kompetan uvid u finansijski sektor Federacije BiH i privatne račune građana Federacije BiH, prije svega ističemo da se radi o nabavci dubinske analize rizika

informaciono – komunikacionog sistema Agencije, a ne bankarskog, odnosno finansijskog sektora. Agencija u okviru svoje zakonom definisane nadležnosti ne posjeduje i ne obrađuje podatke o računima fizičkih i pravnih lica banaka, pa samim tim ne može doći do narušavanja tajnosti tih podataka ili privatnosti klijenata banaka od strane odabranog ponuđača u predmetnom postupku nabavke. Evidencija o brojevima i statusima računa klijenata banaka je u isključivoj nadležnosti Centralne banke Bosne i Hercegovine i Finansijsko-informatičke agencije Federacije BiH.

U odnosu na dio upita koji se odnosi na sigurnosne provjere odabranog ponuđača, ističemo da Agencija nije obveznik primjene Zakona o zaštiti tajnih podataka („Službeni glasnik BiH“, br. 54/05, 12/09) u pogledu akata i podataka kojima raspolaže u okviru zakonom definisane nadležnosti, jer se ne radi o podacima i informacijama koji se odnose na javnu sigurnost, odbranu, vanjske poslove ili obavještajnu i sigurnosnu djelatnost kako je to definisano članom 2. navedenog zakona. Posebno ističemo da Agencija nema obavezu pribaviti sigurnosnu dozvolu ni za svoje zaposlenike, kao i bilo koja druga lica sa kojima stupa u poslovne odnose.

Svi podaci i informacije kojima Agencija raspolaže iz okvira svoje nadležnosti u odnosima sa svojim radnicima, članovima organa upravljanja i rukovođenja, eksternim revizorima, te drugim licima sa kojima stupa u poslovne odnose su u potpunosti zaštićeni u skladu sa odredbama Zakona o Agenciji za bankarstvo Federacije BiH. Agencija bezrezervno insistira na dosljednoj primjeni odredbi navedenog zakona u segmentu zaštite povjerljivih podataka i nema apsolutno minimum tolerancije za bilo kakvu mogućnosti postupanja koje je suprotno navedenom. S tim u vezi, u predmetnom postupku javne nabavke usluge dubinske analize informaciono – komunikacionog sistema Agencije, izabrani ponuđač se obavezuje da će u periodu trajanja ugovora, kao i nakon njegovog prestanka, kao poslovnu tajnu čuvati sve povjerljive informacije i dokumente u vezi s poslovanjem Agencije, koji su mu mogu biti dostupni kod pružanja usluga koje su predmet ugovora.

Imajući u vidu navedeno, dodatno naglašavamo da Agencija ne raspolaže evidencijama koje se odnose na podatke o pojedinačnim bankovnim računima građana Federacije BiH iz čega jasno proizilazi da odabrani ponuđač ne može imati pristup ovim podacima u okviru postupka javne nabavke koji je Agencija provela za svoje potrebe.

S poštovanjem,

**DIREKTOR**
Jasmin Mahmuzić

Dostaviti:

- Vlada Federacije BiH, n/p gđin Fadil Novalić, premijer
- Federalno ministarstvo finansija/financija, n/p gđa Jelka Miličević, ministrica